



P13

2026 世界盃

www.lionrockdaily.com 2026.7.16 | THU

香港
LION ROCK
DAILY

挫大熱法國 累積37場不敗

西班牙再闖決賽 自信最強

■近況大勇的米高奧利斯(左)，無法突破西班牙防中洛迪的攔截。

■西班牙古列拿(右)及阿歷斯巴爾拿，賽後齊齊安慰法國奧士文尼迪比利。



世界盃首場準決賽，賽前被看低半線的西班牙，昨晨卻憑藉出色的前場壓迫和控球能力，以2:0完勝法國，時隔16年再度晉級世界盃決賽，展示極具冠軍相！「狂牛兵團」自2024年3月友賽不敵哥倫比亞後，至今已累積37場不敗，追平了意大利創下的紀錄。

各 界賽前稍為看好6戰全勝合共轟入16球的法國，可在他們身價達5億歐元的前場4子基利安麥比巴、奧士文尼迪比利、米高奧利斯和巴特利巴高拿的帶領下，擊敗晉級過程稍為驚險的西班牙殺入決賽。然而比賽開始後，法國前場一眾主力卻發現自己無法應對「狂牛兵團」的高位壓迫和強大控球能力，難以取得控球權之餘，更是完全無法製造出「入肉」攻勢。

相反地，西班牙明顯全場控制戰局，但他們上半場首個入球卻帶點偶然成分，當時法國左閘盧卡斯迪治尼在自己禁區內欲解圍，但卻被衝前的拉明耶馬「攝位」成功，已出腳的盧卡斯迪治尼變成踢跌耶馬。球證直指12碼點，奧耶沙巴爾負責操刀建功，助西班牙上半場領先1:0。換邊後，法國依然無法找到進攻節奏，相反西班牙58分鐘由柏度樸路與丹尼爾奧莫「撞牆」後，擺脫法國守將單刀射入，奠定2:0勝局。

富安迪：急不及待踢決賽

西班牙全場出色表現，明顯令到主帥富安迪十分自豪，這名以

「家庭式執教哲學」見稱的老帥，賽後更豪言西班牙是當世最強球隊：「我哋計劃一直都係循序漸進，喺最關鍵時候達到最佳狀態。經歷咗一個漫長賽季之後，我認為球隊此刻已經達到最佳水平。賽前好多人提醒我，我哋將面對世上最優秀球隊之一。不過我哋一直回應，法國嘅對手同樣係世上最好球隊。」

在殺入決賽後，西班牙靜待屆時對手阿根廷或是英格蘭，富安迪對球隊信心十足：「我同阿根廷主帥斯卡朗尼關係好好，如果決賽對佢哋會好高興；不過我都一樣期待英格蘭，因為佢哋一直都係世界盃奪冠熱門。無論如何，我哋唔會滿足於準決賽勝利，目標係贏得世界盃冠軍，我哋已經急不及待想踢決賽嘞！」



■西班牙超新星拉明耶馬(左)，再次戰勝法國王牌麥巴比。

■耶馬(右)與球功臣柏度樸路相擁慶祝。

包括國家隊及球會賽事，今仗是拉明耶馬第11次與基利安麥比巴交手，累計往績9勝2負一面倒佔優。雖然耶馬今仗沒有入球及助攻，但博得一記關鍵12碼，並有一次右路內切射門破網，可惜越位在先無效。而且他4次過人成功，亦成為「狂牛兵團」的主要突破點。

這是耶馬第9次在場上擊敗「麥總」，而且大部分比賽都是關鍵戰。其中3場是決賽，分別是去年的西班牙超級盃和西班牙盃決賽，以及2025至2026球季西超盃終極戰。國際賽方面耶馬更3戰全勝，包括2024歐洲國家盃、去年的歐洲國家聯賽及今場世界盃四強。

世界盃決賽將於香港時間周一凌晨三時舉行，冠軍一向是「球王」誕生的印記，眼看馬拉當拿(25歲奪冠)、施丹(26歲奪冠)、美斯(35歲奪冠)等傳奇，均經歷多年才實現夢想，但耶馬卻在19歲之齡，已只差一步便可加冕成為新球王，認真是後生可畏。

耶馬對賽狂贏麥總

麥巴比：未能做好自己

賽前被稍看好的法國隊，表現完全被西班牙壓制，法軍王牌麥巴比亦錯失了連續3屆帶隊殺入決賽、及第2度捧世界盃機會。不過這位皇家馬德里球星賽後卻沒有顯得不服氣，直言自己和隊友均未能發揮應有水平。

麥巴比賽後大讚西班牙的演出：「無論戰術、技術、整體發揮，我哋都踢唔出自己想要嘅表現。喺呢啲大戰，如果你未能做好自己，就肯定贏唔到。相反，西班牙堅持執行佢哋戰術，全場都掌控比賽節奏，表現明顯勝我哋一籌，我哋技術失誤太多，亦搵唔到辦法為對手製造麻煩。」雖然無緣

爭冠，但麥巴比揚言他們仍會努力踢好季軍戰：「我哋必須昂首挺胸去面對呢一刻，盡快振作，好好休息，從呢次失敗中吸取教訓，將失利拋諸腦後，去邁阿密參加季軍戰。」

下半場後備入替的卓基亦同意法國值得落敗：「我哋喺戰術上完敗，開始時我唔覺西班牙高出一籌，但當我落場後，就發現佢哋傳控做得好，掌控節奏踢出佢哋想踢嘅足球，令我哋失去咗方向。」

■法國麥巴比賽後神情失落。



交棒施丹前 迪甘斯留憾謝幕

迪甘斯將於今屆世界盃完結後卸任法國隊主帥一職，現時僅剩下一場季軍戰，無奈留憾謝幕。

法國今場去到82分鐘，才有第一次中目標攻門，主帥迪甘斯賽後認為己隊表現失常：「我哋發揮唔到之前幾場嘅水準，技術失誤亦更多，吓吓都慢人一步。對方預判到我哋嘅傳球方向，從而輕鬆作出攔截。法國搵唔到破解方法，部分責任係我哋自己身上，但同時亦必須讚賞西班牙，我哋根本踢唔到自己風格。」

在本屆世界盃結束後，迪甘斯將離任法國隊主帥一職，迪甘斯自2012年7月接手法國國家隊，期間帶隊征戰4屆世界盃、3屆歐國盃及兩屆歐國聯，並拿到兩座冠軍獎盃(2018世界盃及2021歐國聯)。在迪甘斯卸任後，施丹將會接手「高盧雄雞」，據報施丹與法國足總已經達成協議，只待官宣。



迪甘斯



施丹